

Nov product d'investiziun: fond d'emprests convertibels da la Banca Chantunala Grischuna

Cuira, ils 18 da favrer 2021 – Il nov fond «BCG (LU) emprests convertibels Global ESG» da la Banca Chantunala Grischuna (BCG) pussibilitescha gudogns en martgads d'aczias progressivs ed ha il medem mument in effect mitigiant en cas da curs regressivs.

Quai è pussaivel grazia a la cumbinaziun da las caracteristicas da duas differentas vaglias: las aczias ed ils emprests. Sch'ils martgads d'aczias sa sviluppan a moda progressiva, participeschan ils emprests convertibels als curs da las aczias. Ma sch'ils curs èn regressivs, sa fan valair las caracteristicas dals emprests e reduceschan las perditas en cumparegliaziun cun las investiziuns spiras en aczias. Questa cumbinaziun porscha in profil da rendita e ristga attractiv.

«Ils emprests convertibels èn adattads bain per investuras ed investurs che vulan investir al martgà d'aczias malgrà curs auts, ma persunter cun ina ristga reducida», di Adrian Schneider, il manader da l'Investment Center da la BCG. Sco tut ils fonds da la BCG correspunda er il fond d'emprests convertibels als criteris da persistenza da la Banca Chantunala Grischuna.

Il nov fond BCG emprests convertibels vegn lantschà il 1. da mars 2021. Enfin la fin da zercladur 2021 pon ins segnar quel senza cumissiun d'emissiun.

Ulteriuras infurmaziuns: gkb.ch/wandelanleihen.

Contacts per las medias:

Banca Chantunala Grischuna, Medias & Investor Relations, chascha postala, 7001 Cuira
Thomas Müller, thom.mueller@gkb.ch, telefon +41 81 256 83 11
Daniel Daester, daniel.daester@gkb.ch, telefon +41 81 256 88 01

Banca Chantunala Grischuna sin:

gkb.ch/medien | [Twitter](#) | [Facebook](#) | [Instagram](#) | [LinkedIn](#) | [Xing](#) | [YouTube](#) | [Flickr](#)

Banca Chantunala Grischuna.

La Banca Chantunala Grischuna porscha tut quai ch'i dovra per ina banca universal moderna – per personas privatas, l'economia ed il maun public. La banca occupa 1015 collavuraturas e collavuratur (stadi ils 31-12-2020). En il chantun Grischun cun sias numerusas vals e pliras linguas è l'interpresa represchentada cun 49 agenturas, la sedia principala sa chatta a Cuira. La Banca Chantunala Grischuna è participada a la Banca privata Bellerive AG, Turitg, ed a l'Albin Kistler AG, Turitg. En il resultat annual preschenta ella cun ina summa da bilantscha da CHF 31.4 milliardas in gudogn dal concern da CHF 180.9 milliuns. Il scrit da participaziun BCG è quotà a la bursa dapi ils 10 da settember 1985.

Termins

Rendaquint semetriel 2021: 29 da fanadur 2021
